

O Exmo. Concello Pleno acordou, en Sesión ordinaria que se celebrou o día 9 de marzo de 1995, por unanimidade, aprobación definitiva da ordenanza municipal de limpeza, e publícase o seu texto integro no "BOP" ós efectos previstos no artigo 70.2 da Lei 7/85, do 2 de abril, de bases do réxime local. Ourense, 16 de marzo de 1995.- O ALCALDE-PRESIDENTE: Asdo.: Manuel Veiga Pombo. EXPOSICIÓN DE MOTIVOS

Mediante a presente Ordenanza, o Concello de Ourense propónse regular actividades e comportamentos dirixidos á limpeza e utilización de vías e espazos públicos e a recollida de desfeitos e residuos sólidos, co obxecto de conquistar as axeitadas condicións de pulcritude, ornato urbano e mellora do medio ambiente.

Tendo claro que o concepto medioambiental e de calidade de vida é o inspirador das diferentes iniciativas que neste eido se deben promover dende os poderes públicos, e tendo, así memo, claro que a tarefa de coidado e respecto do medio ambiente debe ser impulsada non só dende a persecución do cumprimento normativo, senón tamén, e como pilar fundamental, dende o fomento de conductas cívicas a través da formación continuada, e sobre todo dos máis pequenos. O Concello de Ourense comprométese a promover campañas de formación, difusión e información ós cidadáns, coa intención de conciencia-los veciños sobre a necesidade de protexer-lo noso medio ambiente.

LIMPEZA DAS REDES VIÁRIAS E OUTROS ESPACIOS

CAPÍTULO I

ARTIGO 1º

A limpeza das redes viarias públicas (rúas, prazas, glorietas, etc.) e a recollida dos residuos procedentes da mesma, efectuaráa o servido municipal competente (o servido de limpeza) coa frecuencia conveniente para axeita-la prestación do servido ó traveso da forma de xestión que acorde o Concello conforme á lexislación, do Réxime Local.

ARTIGO 2º

1) O Concello poderá requirir-la limpeza de beirarrúas nun ancho de 2,5 metros e na lonxitude que corresponde ás fachadas dos edificios, tanto públicos como privados; estará a cargo dos empregados dos prédios urbanos, ou persoal destinado pola propiedade do inmovible, e a falta de ditas persoas, para tal fin:

- a) Os veciños do inmovible nos termos establecidos entre eles, na parte non ocupada polos locais do negocio sitos na planta baixa.
- b) Os titulares dos locais de negocio, sitos na planta baixa, na parte correspondente dos mesmos.

2) Nos solares, os seus propietarios deberán designar quen executará as prestacións derivadas da devandita obriga.

3) Obrigadamente nos edificios de construción: O contratista ou propietario do edificio que se constrúe.

4) A limpeza deberá efectuarse, incluso durante días festivos, se fora preciso, na forma en que determina esta ordenanza.

5) O disposto anteriormente non afectará ás relacións contractuais que, no seu caso, existan entre particulares polo cumprimento da prestación de limpeza pública alí establecidas; pero ditas relacións non poderán invocarse fronte á Administración municipal, para excluir ou diminuí-las responsabilidades derivadas do seu incumprimento.

Os propietarios de edificios e solares serán os responsables solidariamente da prestación do servizo de limpeza e poderán ser sancionados pola autoridade municipal, se non se xustifica a adopción de medidas axeitadas para a prestación do servizo con regularidade e continuidade.

ARTIGO 3º

Quen realice na vía pública operacións de carga e descarga, deberá proceder, cantas veces fora preciso, á limpeza ou lavado complementario das rúas e beirarrúas para mante-la vía pública nas debidas condicións de limpeza e, asemade, sempre que o ordenen os axentes da autoridade municipal.

Os titulares de establecementos de venda polo miúdo de produtos con envoltorio, alimenticios ou análogos, de consumo ou uso inmediato, os de establecementos ou quioscos de bebidas, así como os concesionarios de tabaco, lotería nacional e ONCE, estarán na obriga de instalar papeleiras e recipientes apropiados en sitios visibles á entrada dos seus locais ou preto das súas instalacións ó obxecto de ter sempre limpa a vía pública.

Os titulares dos quioscos e de licencias de tómbolas, de colocación e estacionamento na vía pública, de mercado nas e outros obxectos ou elementos e de veladores teran a obriga de mantela limpa e varrer cantas veces fora preciso o día; a tal obxecto a superficie da vía pública concedida, considérase ampliada, ós efectos da dita obriga, a dous metros ó longo do seu perímetro.

ARTIGO 4º

A limpeza dos patios de luces, patios de quinteiros ou calquera outra zona común, de conformidade coas normas estatutárias ou acordos tomados Ós efectos das respectivas xuntas ou asembleas, será obrigada das comunidades de propietarios ou de quen habite no inmovible ou inmovibles colindantes no seu caso.

ARTIGO 5º

1) A limpeza de solares e outros terreos de propiedade particular que se atoparan en solo urbano, e non estíveran incluídos no artigo anterior corresponderalle igualmente á propiedade. De non efectuarse así o servizo municipal de limpeza procederá a retira-lo lixo ou desperdicios a custa daquel sen prexuízo das sancións que lle procedan.

2) O cumprimento da obriga de manter limpios ditos terreos non exime de proceder ó valado dos mesmos.

ARTIGO 6º

Os residuos obtidos das operacións de limpeza serán depositados en recipientes normalizados, quedando totalmente prohibido depositalos na vía pública.

CAPÍTULO II ACTUACIÓN NON PERMITIDAS

ARTIGO 7º

1) Prohíbese botar á vía pública todo tipo de residuos como papeis, envoltorios ou calquera outro desperdicio ou similar, lixar con augas residuais, cortar leria e acender lume nas rúas e prazas.

Quen transite polas rúas, prazas, xardíns e outros espazos libres e públicos e quixera desprenderse de residuos de pequena entidade, como os anteriormente ditos, empregarán papeleiras instaladas a tal fin.

2) Os usuarios deberán absterse de toda manipulación sobre os recipientes normalizados, moveiros, envorcalos ou arrincallos así como calquera outro acto que deteriore a súa presentación ou faga inutilizables ó uso para o que están destinados.

ARTIGO 8º

1) Queda prohibido realizar calquera operación que poida lixa-las vías e espazos libres públicos e de xeito especial:

a) Lavar ou limpar vehículos así como trocar dos mesmos aceites ou outros líquidos.

b) Manipular ou selecciona-los desfeitos ou residuos urbanos.

c) Sacudir tapices, alfombras, esteiras, sabas e demais roupas de uso doméstico en portas, balcóns e fiestras que miren a vía pública.

Só se poderán rega-las plantas colocadas en terrazas ou fiestras entre as 23 e 6 horas da noite. A rega das flores en plantas de adorno ou de xardín cultivado, así como os árbores que carezan de gubia farase de xeito que non moleste ós peóns.

ARTIGO 9º

1) Non se permiten realizar actos de propaganda ou calquera outro que supoña lanzar á vía pública carteis, folletos, ou folias soltas.

2) Terá consideración de acto independente a efecto de sanción cada actuación contraria d establecido no número anterior, sendo responsables da infracción aquelas persoas públicas ou xurídicas que promovan ou xestionen a publicidade, ou no seu defecto, e salvo proba en contrario. aquel a quen favoreza a mesma.

3) Quedará dispensada a propaganda electoral durante os períodos legais habilitados e aquel outros de especial significación política ou de xeral participación cidadá nos que sexa pertinente a realización de actos publicitarios de acordo coas disposicións municipais que se adapten a tales efectos.

ARTIGO 10

Os propietarios dos vehículos que transporten terras, entullos, áridos, formigón, cartóns, papeis ou calquera outra materia similar, terán cantas medidas sexan precisas pra cubri-los materiais durante o transporte e evitar que a causa da súa natureza ou por efecto da velocidade do vehículo ou do vento, caian sobre a vía pública, auga, po, ou parte dos materiais transportados. Así mesmo, antes de saíren das obras deberanse lava-las rodas, baixo e chans do vehículos, co gallo de impedir que lixen as vías públicas.

ARTIGO 11

1) Cando se fagan pequenas obras na vía pública como canalizacións, tapadas de calas, etc., os sobrantes e refugallos retiraranse dentro das 24 horas seguintes á terminación dos traballos, deixándoos debidamente amontoados de maneira que non se entorpeza a circulación de peóns e vehículos.

2) Nas obras onde se produzan cantidades de refugallos superior a 1 metro cúbico, deberá empregarse para a súa almacenaxe na vía pública colectores axeitados, amparados pola correspondente autorización.

ARTIGO 12

Como medida hixiénica ineludible, as persoas que conduzan polas vías e espazos públicos cans ou outros animais procurarán, ademais de levalos prendidos e cumpri-los requisitos previstos pola vixente lexislación, e sempre que non se poida evitar, que estes depositen as feces nos sumidouros das rúas, debendo neste caso, ser recollidas e deixar limpos os espazos públicos.

ARTIGO 13

Os propietarios dos prédios, vivendas e establecementos están na obriga de manter en constante estado de limpeza as diferentes partes dos inmobles que sexan visibles dende a vía pública, de tal xeito que se consiga unha uniformidade na súa estética, acorde co seu contorno.

ARTIGO 14

1) Cando se realice a limpeza de escaparates, portas, marquesinas, toldos ou cortinas dos establecementos comerciais, adoptaranse as debidas precaucións para non causar molestias ós transeúntes nin líxa-la vía pública.

2) Iguais precaucións deberán de se adoptar para limpa-los balcóns e terrazas así como a rega das plantas instaladas nos mesmos.

ARTIGO 15

1) O obxecto de mante-las condicións de limpeza e pulcritude que esixe a estética da cidade, prohíbese;

- a) Colocar carteis ou realizar inscricións ou pintadas nas paredes, muros, quioscos cabinas, fachadas, farolas, verxas, valos, papeleiras, etc.

- b) Considéranse excluídos destas prohibicións os bandos da Alcaldía e as comunicacións ou avisos de campañas municipais de interese xeral, debendo ser retirados polo servizo municipal de limpeza, unha vez que produzan os efectos perseguidos.

ARTIGO 16

Permitirase colocar carteis durante os períodos electorais nos que sexa pertinente a realización de actos de publicidade, nos lugares que fixe o Concello, debendo colabora-los partidos e asociacións á retirada dos carteis ou demais operacións de limpeza.

RETIRADA DE RESÍDUOS SÓLIDOS

CAPÍTULO I

ARTIGO 17

Considéranse restos e resíduos sólidos, conforme ó artigo 2º da Lei 42/75 do 19 de novembro, os producidos por actividades e situacións domiciliarias, comerciais e de servizos, sanitarias de limpeza urbana, industriais, obras en edificios, abandono de animais mortos, mobles, trastes e vehículos e en xeral todos aqueles dos que a recollida corresponda o Concello, de conformidade coa lexislación vixente.

ARTIGO 18

A recollida de resíduos sólidos estableceraa o servizo municipal competente coa frecuencia e horario que considere oportunos, dando a publicidade necesaria para o coñecemento dos vecinos.

ARTIGO 19

Da recepción dos resíduos sólidos farase cargo o persoal dedicado á mesma, e quen os entregue a calquera outra persoa física ou xurídica que careza da correspondente concesión ou autorización municipal deberá responder solidariamente con esta polos prexuízos que se puideran producir por causa daqueles, independentemente das sancións a que houbera lugar.

En ningún caso, nin baixo ningún pretexto, deben entregarse os resíduos ó persoal encargado do varrido e rega das rúas.

ARTIGO 20

Ningunha persoa física ou xurídica poderá dedicarse á recollida, transporte e aproveitamento dos resíduos sólidos, calquera que sexa a súa natureza sen a previa concesión ou autorización municipal.

ARTIGO 21

1) Cando os resíduos sólidos urbanos, pola súa natureza e a xuízo do servizo municipal competente, puideran presentar características que os fagan tóxicos ou perigosos, esixirase ó produtor ou posuidor dos mesmos, que previamente á súa recollida, realice un tratamento para eliminar estas características ou que os deposite en forma ou lugar axeitados.

Así mesmo, os produtores ou posuídores de resíduos que polos súas características poidan producir trastornos no transporte e tratamento quedan na obriga de proporcionar ó Concello información completa sobre a súa orixe cantidade e características.

ARTIGO 22

Os propietarios ou responsables dos terreos facilitarán o acceso ó local onde asteen situados os recipientes normalizados á totalidade dos veciños, do terreo, co fin de que estes poidan deposita-los resíduos.

CAPÍTULO II RESÍDUOS DOMICILIÁRIOS

ARTIGO 23

1) Entenderse por resíduos domiciliarios os procedentes da normal actividade doméstica así como os producidos nos establecementos comerciais que pola súa natureza e volume sexan asimilables ós anteriores.

2) Os resíduos introducíranse en bolsa de abando e impermeables e opacas, previa a súa colocación nun recipiente normalizado.

3) O Concello poderá dispor que toda a cidade ou en sectores ou zonas determinados se presenten por separado ou se depositen en recipientes especiais aqueles resíduos susceptibles de distintos aproveitamentos como papeis, botellas latas, etc.

4) Prohíbese o vertido ou depósito de todo tipo de resíduos, entullos, mobles ou outros trastes en calquera lugar público ou privado do Concello, salvo nas condicións estipuladas nesta ordenanza.

ARTIGO 24

A presentación dos resíduos domiciliarios farase obrigatoriamente no tipo e número de recipientes normalizados que en cada caso sinale o Concello de acordo co volume dos resíduos, as características do sector ou vía pública e coa planificación realizada para a recollida e transporte polo servizo municipal competente

ARTIGO 25

As operacións de conservación e limpeza que, no seu caso esixan os recipientes normalizados serán por conta dos habitantes do predio, cando se trate de edificios destinados a vivenda, e da propiedade cando

sexan edificios públicos ou establecementos comerciais debendo uns e outros, en cada caso, destinalas persoas que teñan que realiza-lo cometido.

ARTIGO 26

1) A recollida dos residuos efectuarase polos operarios encargados da mesma a partir da porta do prédio ou establecemento comercial e no lugar máis próximo á calzada.

2) Cando se trate de recipientes normalizados non refugados, o persoal do vehículo colector baleirá o contido dos recipientes no camiión e depositará os baleiros onde se atopaban, non lle corresponde polo tanto ningunha manipulación dos residuos nin dos recipientes dentro de ningún prédio de propiedade pública ou privada.

ARTIGO 27

1) Cando os recipientes que conteñan os residuos sexan colocados na vía pública, na beirarrúa xunto á beira da calzada ou lugar sinalado, esta operación non poderá facerse antes de unha hora do paso do vehículo, sendo recollido en diurno ou antes dos 22 horas se é nocturna.

Unha vez baleiros os recipientes non refugables procederase á súa retirada, nun prazo máximo de unha hora, no caso de que a recollida se faga durante, o día, agás dos correspondentes a establecementos comerciais que poidan ser retirados no intre de apertura, en todo caso, antes das nove da maná.

O Servido municipal competente poderá propo-la modificación dos horarios de recollida de lixo que se comunicará ós vecinos mediante bando da Alcaldía-Presidencia.

2) Nas edificacións con amplos patios de quinteiro nos cales o portal ou entrada do inmobile se abre a estes patios, é necesario que os vehículo colectores teñan acceso ós mesmos. No caso contrario os recipientes deberanse colocar ó paso do vehículos colector.

ARTIGO 28

Nos centros públicos ou privados, vivendas, mercados, galerías de alimentación, centro sanitarios, etc., a retirada dos residuos correrá a cargo do servido municipal competente, pero non o varrido e a limpeza dos mesmos. Estas últimas operacións terán que se realizar coa frecuencia que sexa necesario para mente-los locais nas debidas condicións de salubridade e hixiene.

ARTIGO 29

Os supermercados e demais establecementos comerciais que polas súas características xeren entre os seus desperdícios embalaxes e caixas, depositarán os desfeitos en feixes na beirarrúa, a carón dos colectores e no mesmo horario estipulado para os residuos domiciliarios na zona.

CAPÍTULO III RESÍDUOS ESPECIAIS

Sección 1ª Terras e entullos

ARTIGO 30

1) Queda terminantemente prohibido depositar nos recipientes normalizados destinados a residuos domiciliarios os entullos procedentes de calquera clase de obras, en cantidade maior de 0,30 metros cúbicos.

2) Nembargantes, os entullos procedentes de obras que teñan un volume comprendido entre 0,3 e 1 metro cubico poderán ser retirados polo servido municipal competente previa petición do interesado ó que lle será pasado o cargo correspondente.

3) Os entullos cun volume superior a un metro cúbico, así como as terras procedentes do baleirado ou movemento de terra, deberán de eliminarse polos interesados conforme a portes-é vertidos de terras e entullos.

ARTIGO 31

1) Prohíbese depositar nos lugares de dominio público e na rede viaria toda clase de entullos ou lixos procedentes de obras de construción e remodelación de edificios ou de obras realizadas no interior dos mesmos, sexa na totalidade ou nalgunha das vivendas.

2) Igualmente queda prohibido alma-cenar na vía pública fora dos límites do valado protector das obras, material de construción: área, ladrillos, cemento, etc.

ARTIGO 32

1) Os residuos e materiais do artigo anterior só poderán almacenar-se na vía pública en lugares de dominio público utilizando para isto colectores axeitados.

2) A colocación de colectores requirirá autorización municipal e o seu número deberá indicarse nun lugar visible dos mesmos, sendo o único elemento de identificación do seu titular.

3) Os colectores deben estar dotados dos dispositivos axeitados que permitan mantelos cubertos cando non sexan empregados, para preserva-lo ornato urbano e evitar que outras persoas boten naqueles, lixo domiciliario ou trastes inútiles.

4) Cando os colectores se atopen cheos de entullos procederase nun prazo non superior a vintecatro horas, á súa retirada e substitución por outros baieiros. A estes efectos os materiais depositados non poderán sobrepasar en ningún caso o plano delimitado polas aristas superiores do colector, estando prohibido o uso de suplementos engadidos para aumenta-la capacidade do recipiente.

Sección 2º Mobles, trastes e obxectos inútiles

ARTIGO 33.

1) Queda prohibido depositar, nos espazos públicos, mobles, trastes e obxectos inútiles para que sexan retirados polos camións colectores da recollida domiciliaria.

2) As persoas que desexen desprender-se de tales elementos solicitarano do servido municipal de limpeza.

Sección 3ª Vehículos abandonados

ARTIGO 34

Sen prexuízo das causas de retirada e depósito de vehículos previstos no Código da Circulación, os servicios municipais procederán á retirada dos vehículos situados na vía pública os terreos adxacentes a espazos libres públicos sempre que, polos seus signos exteriores, tempo que permanecesen na mesma situados ou outras circunstancias," poidan considerarse resíduos sólidos urbanos, como consecuencia da súa situados de abandono.

ARTIGO 35

1) Ós efectos desta ordenanza e no seu ámbito de aplicación considéranse abandonados aqueles vehículos ou os seus restos, que polos seus signos nos exteriores non sexan aptos para circular por carecer dalgún dos seus elementos necesarios ou aínda que conteña aparentemente a totalidade destes elementos, tanto os seus evidentes sinais de deterioro, coma o tempo de permanencia en idéntica posición de estacionamento, permitan presumir-la mesma situación de abandono.

2) Exclúense da consideración de abandonados aqueles vehículos sobre os que recaía orde de mandato xudicial coñecido polo Concello, para que permanezan na mesma situación aínda que a autoridade municipal poderá recaba-la adopción das medidas pertinentes en orde ó ornato urbano.

3) Efectuada a retirada e depósito dun vehículo abandonado, conforme ós termos definidos no artigo anterior, o Concello notificará a quen figure como titular no rexistro de vehículos ou a quen resultase se-lo seu lexítimo propietario, na maneira establecida no artigo 80 da Lei de procedemento administrativo.

4) Na mesma notificación requirirase ó titular do vehículo para que manifeste se, acordo co artigo 3.2 da Lei 42/1975 de recollida e tratamento de refugallo e resíduos sólidos urbanos, deixa o vehículo ou os seus restos a disposición do Concello que adquirirá a súa propiedade ou polo contrario opta por facerse cargo dos mesmos para a súa eliminación conforme ás prescricións da devandita lei, apercibíndoo de que no caso de silencio durante o prazo indicado entenderase que opta pola primeira das posibilidades.

5) Se o propietario do Vehículos ou os seus restos fora descoñecido, a notificación indicada efectuarase conforme ás normas xerais.

ARTIGO 36

En todo caso os propietarios dos vehículos ou dos seus restos deberán soportar-los gastos de recollida, transporte e depósito sendo o seu aboamento previo nos supostos nos que opte por facerse cargo daqueles conforme ó establecido no número 3 do artigo anterior.

ARTIGO 37

Calquera persoa poderá comunicar ó Concello ou ós axentes da autoridade, por escrito ou verbalmente, a existencia dun Vehículo ou dos seus restos presumiblemente abandonados, sen que por tal actuación adquira dereito ningún sobre aqueles ou o seu valor.

Sección 4ª Animais mortos

ARTIGO 38

Prohíbese o abandono de cadáveres de animais de toda especie, sobre calquera clase de terreos e, tamén a súa inhumación en terreos de propiedade de pública. A sanción por incumprimento desta norma, será independente das responsabilidades que estean na normativa de orde sanitaria.

ARTIGO 39

1) As persoas que necesiten desprenderse de animais mortos fara-no ó través do servizo municipal competente que procederá á súa recollida, transporte e eliminación.

2) Este servizo municipal será gratuito cando se trata de animais domésticos en réxime de convivencia ou cativeiro, se refire a un só exemplar e a prestación do servizo se solicita de maneira illada e esporádica.

3) O disposto no parágrafo anterior non será aplicable no caso de explotacións gandeiras ou industriais.

TRATAMENTO DE RESÍDUOS

ARTIGO 40

1) Os depósitos ou vertedoiros para a eliminación de residuos sólidos urbanos son de exclusiva competencia municipal e en canto á súa situación instalación, forma de vertido e funcionamento darase cumprimento a canto dispoña as disposicións vixentes sobre esta materia.

2) Todo vertedoiro que non cumpra co establecido no punto anterior, considerárase clandestino e inmediatamente clausurado e eliminado, sen prexuízo das sancións previstas e das responsabilidades ás que houbera lugar.

RÉXIME DISCIPLINARIO

CAPÍTULO I.- NORMAS XERAIS

ARTIGO 41

1) Toda persoa natural ou xurídica poderá denunciar diante do Concello as infraccións da presente ordenanza en relación coa materia a que este se refire.

2) En canto ó contido das denuncias e ós seus efectos estarase ó establecido no artigo 41.

3) As responsabilidades derivadas do incumprimento das obrigas sinaladas nesta ordenanza, serán esixibles non só polos actos propios, senón tamén polos daquelas persoas de quen se debe responder, e polo proceder dos animais dos que se fose propietario.

4) Cando se trate de obrigas colectivas tales como o uso, conservación e limpeza de recipientes normalizados, limpeza de zonas comúns, a responsabilidade será atribuída á respectiva comunidade de propietarios ou habitantes do inmovible cando non estea constituída e, ó efecto, as denuncias formularán a carón da mesma ou, no seu caso, a persoa que ostente a súa representación.

CAPÍTULO II INFRACCIÓNS

ARTIGO 42

1) Consideraranse infraccións administrativas en relación coas materias ás que se refire esta ordenanza, os actos ou omisións que contraveñan o establecido nas normas que integran o seu contido.

2) As infraccións clasifícanse de leves, graves e moi graves, conforme se establece nos artigos seguintes:

ARTIGO 43)

1) Considéranse infraccións leves:

- a) Botar desperdicios na vía pública, así como realiza-las operacións prohibidas nos artigos 8- e 12, salvo troca-lo aceite ou outro líquido ós vehículos, así como lavalos.
- b) Non instala-las papeleiras esixidas ou a falta de limpeza na vía pública, no suposto do artigo 3º.
- c) Non manter en constante estado de limpeza as diferentes partes, dos inmobles que sexan visibles dende a vía pública.
- d) Deixar na vía pública e na rede viaria resíduos procedentes da limpeza de escaparates, portas ou toldos de establecementos comerciais.
- e) Esguizar, lixar ou arrincar carteis ou anuncios.
- f) En relación cos recipientes herméticos e cubos normalizados, a falta de coidados dos mesmos, colocalos na vía pública ou retiralos fora do tempo establecido; empregar outros distintos ós autorizados; sacar lixos que os desborden e non colocalos ó paso do camión colector.

2) Considéranse infraccións graves:

- a) A reincidencia nas infraccións leves.

- b) Troca-lo aceite e outros líquidos ós vehículos na vía e espacios libres públicos, así como lavalos.
- c) Realizar actos de propaganda mediante o lanzamento de carteis, folletos, folias soltas, etc,...
- d) Omitilas operacións de limpeza despois da carga ou descarga de vehículos ou incumpri-las obrigas do artigo 3º.
- e) Non reinar no prazo establecido os refugallos procedentes de obras na vía pública, así como almacenar entullos ou materiais de construción, sen empegar colectores, ou colocar estes con incumprimento do establecido nas ordenanzas municipais.
- f) Non proceder á limpeza das defecacións de cans-ou outros animais.
- g) Colocar carteis en lugares non permitidos e realizar inscricións ou pintadas.
- h) Abandonar mobles ou; trastes na vía ou espacios públicos.
- i) Abandonar cadáveres de animais ou a súa inhumación nos terreos de dominio público.

3) Considéranse infraccións moi graves:

- a) A reincidencia nas faltas graves.
- b) Dedicarse á recollida, transporte ou aproveitamento de residuos sen a debida autorización ou entregalos a quen tería tal dedicación.
- c) Non retirar-los colectores de entullos no prazo establecido.

CAPÍTULO III SANCIONES

ARTIGO 44

1) Sen prexuízo; de esixir, cando proceda, as responsabilidades de carácter penal ou civil correspondente, as infraccións ós preceptos da presente ordenanza, en materia de limpeza urbana . e residuos sólidos serán sancionados de xeito seguinte:

- a) Infraccións leves, multa ata 15.000 ptas.
- b) Infracción graves, multa de 1'5.001 ptas. ata 100.000 ptas.
- c) Infraccións moi graves, multas de ata 300.000 ptas.

2) Nos supostos de reincidencia en infraccións moi graves, o órgano competente poderá impo-las sancións previstas na Lei 42/1975, do 19 de novembro, sobre refugallos e residuos sólidos urbanos

ARTIGO 45

1) Para determina-la cuantía da sanción antenderase ás circunstancias concorrentes nos feitos que a motivaron, tales como a natureza da infracción, grao de intencionalidade e reincidencia, así como aqueles factores que se poidan considerar como atenuantes ou agravantes.